



# TRNOVO



opcina.trnovo@bih.net.ba



www.trnovo.ba

## Informativni bilten Općine Trnovo

Mart, 2021.



IDEŠ, IDEŠ ...  
I DOĐEŠ,  
PRIĐEŠ,  
STANEŠ, PA GLEDAŠ,  
TREPNUŤ SEBI NE DAŠ,  
I PITAŠ:  
ŠTA LI JE OVO?!  
I VIDIŠ,  
PIŠE:  
TRNOVO!

BIJELI SE BJELAŠNICA,  
MRDI SE IGMAN,  
SVUD PIŠE VODA (DOBRA VODA!)  
I MODRINA NEKA  
SKROZ OD SVODA PA DO PODA,  
A PREKO RAMENA,  
KAMENA LICA,  
IZVIRUJE TRESKAVICA.

ODAKLE KAKO...? OTKAD? I ŠTO?!  
MISLIM,  
OTKUD BAŠ OVDE DA JE SVE TO?  
AKO JE TUZ KAMEN SA SOLJU,  
AKO JE SARAJ DVORAC U POLJU...  
AKO JE SREBRENICA SREBRENA  
ŽICA,  
(JE`L ROGATICA ROGATA `TICA?)...  
KAD JE MOST STAR,  
I KAD JE VAKUFA PAR,  
AKO NE RAČUNAŠ VARCAR...  
... I KONJIC, STOLAC, ODŽAK,  
I PROZOR I ZJENICA...  
I NIJE KURŠUM, A JESTE OLOVO...  
A ŠTA LI MU DOĐE TRNOVO?

ŠTA LI JE OVO?  
KO LI JE TU RIJEĆ SKOVO?  
JEL` NEŠTO DREVNO,  
IL` NEŠTO NOVO.  
E, HAJMO POLAHKO,  
SLOVO PO SLOVO...  
ČEKAJ, ČEKAJ:  
PA, TRN JE OVO!

AHA,  
ZNAČI:  
NE DIRAJ, NE BARĆI,  
NE KIDAJ, NE HARĆI..!  
PRIPAZI!  
NE GAZI,  
KUD GOD DA POĐI,  
NEKA TE NA STAZI!  
NE BERI VOĆE,  
IMA KO ĆE,  
AKO BI PLANO,  
DA NE BI ŠTA LANO,  
DA NE BI PSOVO.!  
JER, TRN JE OVO!

NEKOM POD NOKTOM!  
NEKOM U OKU!  
NEKOM U PETI!  
NEKOM U PAMETI,  
DA SE SJETI...!

E, OVAKO:  
AKO SI INSAN  
U KOM NI SILE NI HILLE NIJE  
BUJRUM TI JE!  
AKO SI HRSUZ,  
IL` NEČOVJEK CRN,  
PROČITAJ STRAGA:  
OVO TRN!

Benjamin Isovć, 29.07.2005.g



# OPĆINA TRNOVO



[www.trnovo.ba](http://www.trnovo.ba)

## IMPRESSUM

Izdavač: Općina Trnovo

Godina izdanja: 2021.g.

Urednik: Kimeta Zolota

DTP: Haris Pindžo

Štampa: «SABAH PRINT» d.o.o. Ilijadža

## KONTAKT PODACI

Trnovo 36, 71223 Trnovo

telefon 033/586-700

fax 033/586-705

opcina.trnovo@bih.net.ba

[www.trnovo.ba](http://www.trnovo.ba)

Ostali kontakt telefoni:

Općinsko vijeće

033/586-710

Kabinet Općinskog načelnika  
033/586-704

Sekretar organa uprave  
033/586-707

Služba za opću upravu, društvene djelatnosti,  
boračko - invalidsku, dječiju i socijalnu zaštitu  
033/586-703

Služba za civilnu zaštitu i inspekcijske poslove  
033/545-550

Služba za geodetske, imovinsko – pravne poslove i  
katastar nekretnina  
033/586-713

Služba za urbanizam, komunalne poslove,  
investicije i zaštitu čovjekove okoline  
033/586-954

Služba za privredu, finansije i lokalni ekonomski  
razvoj  
033/586-709 i 033/586-714

Matična i protokol  
033/586-702

Pravobranilaštvo Općine Trnovo  
033/586-730

Općina Trnovo

### Izgradnja podzemne garaže na Bjelašnici

Jedan od projekata Općine Trnovo koji je u završnoj fazi realizacije jeste izgradnja podzemne garaže na Bjelašnici. Gradnja na ovoj lokaciji predviđena je projektom Srebrna lisica, a nalazi se u krugu devet apartmana, blizu hotela Maršal i skijališta. Garaža je savremena cjelina i ne narušava planinski ambijent. Na njenom vrhu se nalazi trg od 3.000 kvadrata, koji će Općina koristiti za sajmove i promociju turizma, općinske manifestacije i kulturne događaje.

Ukupna vrijednost investicije je 2.200.000,00 KM, a investitori projekta su Ministarstvo saobraćaja KS sa 1.700.000,00 KM i Općina Trnovo sa 500.000,00 KM. Realizacijom ovog projekta dobiti će se 90 parking mjeseta. Nadzor na izvođenju radova vrši Zavod za izgradnju KS.

Radovi na izgradnji su tekli u tri faze. U prvoj fazi izvođeni su građevinski radovi, u drugoj fazi je rađeno uređenje i popločavanje trga. Treća faza je u toku i obuhvata završne radove na unutrašnjosti podzemne garaže, radove na instalacijama, mašinske i elektro radove.




### Rekonstrukcija sportskih ploha

Početkom građevinske sezone u Općini Trnovo je pokrenuta realizacija više projekata, jedan od tih je projekat rekonstrukcije sportskih ploha i dječijih igrališta.

Završena je realizacija projekta u vrijednosti od 128.682,66 KM, koji obuhvata rekonstrukciju sportskih ploha u Mjesnim zajednicama Šabići i Trnovo. Investitori radova su Ministarstvo za obrazovanje, nauku i mlade KS sa 100.000,00 KM, Federalno ministarstvo kulture i sporta sa 8.000,00 KM i Općina Trnovo sa 20.682,66 KM. Radove je izvodio Mavas d.o.o. Mrkonjić Grad, a nadzor je vršio Zavod za izgradnju KS.

U Šabićima je završena rekonstrukcija tri sportske plohe, a u Trnovu je rekonstruisana jedna ploha. Rekonstrukcija sportskih ploha između ostalog je uključivala - podnu sportsku oblogu, zamjenu polomljenih polja postojećih ograda, kao i zamjenu polomljenih dijelova postojećih koševa.

Uređenjem sportskih multifunkcionalnih ploha osiguravaju se preduvjeti za unapređenje sporta na području Općine Trnovo, a samim time daje se podsticaj djeci da se masovnije bave sportom.



### “Škola u prirodi“ u Šabićima

U sastavu O.Š. "Zaim Kolar" djeluje Škola u prirodi u Šabićima, koja je počela sa radom 01.05.2003. godine, a nalazi se u predivnom prirodnom ambijentu, na nadmorskoj visini od 1.100 metara, na razmeđi tri planine Bjelašnice, Treskavice i Visočice. Kroz školu u prirodi djeci iz Kantona Sarajevo se omogućava boravak na čistom zraku, u ugodnom i mirnom seoskom ambijentu. Program škole u prirodi je izrađen od strane Pedagoškog Zavoda KS, pored osnovnog obrazovnog programa, ovo je spoj edukacije, rekreacije i kulture.

Ove godine završena je rekonstrukcija i nadogradnja škole, dograđena je etaža i mansarda na postojeći objekat. Prizemlje škole pored tri učionice sadrži kuhinju sa restoranom i ostavu, na etaži je dvanaest soba i kamin sala sa kuhinjom, a potkrovље ima 16 soba, s tim da svaka soba ima zasebno, savremeno opremljeno kupatilo sa toaletom. U toku je unutrašnje opremanje škole, trenutno se oprema kuhinja i restoran u prizemlju, kao i kamin sala na etaži. Dogradnjom škole se dobila nova funkcionalna cjelina, pored soba proširen je i ugostiteljski sadržaj.



Arhitektonsko rješenje za dogradnju škole definirano je u skladu sa programskim i funkcionalnim zahtjevima, mogućnostima koje nudi lokacija, te su funkcionalno primjereni modernom načinu korištenja, a prilagođeni uvjetima koji vladaju na planini.

Investitor radova je Ministarstvo obrazovanja KS i Općina Trnovo, izvođač radova je Centar Hand.o.o. Sarajevo, nadzor vrši Arting BH d.o.o., a implementator projekta je Općina Trnovo. Svake godine na boravak u školi dolaze učenici četvrtih razreda osnovnih škola KS, u sklopu obavezne nastave, a u ljetnom periodu se ovdje održavaju kampovi košarke. Na raspolaganju su i vanjska igrališta i tereni, te šetnice u prirodnom ambijentu i još mnogo sadržaja. Osnovni cilj je da sva djeca osnovnih škola prođu kroz školu u prirodi, a sklop sadržaja koje nudi škola i priroda ovog područja su idealni za mališane, a nadograđeni dijelovi sada nude više sadržaja i još ugodniji boravak.

### Osigurani uvjeti za zimsko održavanje lokalnih puteva u Trnovu

Nakon uspješno završene procedure javne nabavke u Općini Trnovo, u novembru 2020. godine potpisani su ugovori za zimsko održavanje lokalnih puteva na području Općine, za zimsku sezonu 2020/21. godine.

Izabrani izvođači, koji su potpisali ugovore za održavanje lokalnih cesta u zimskim uvjetima su: Milišić-Trans d.o.o. Trnovo - za održavanje puteva u MZ Delijaš i MZ Šabići, Mevludin-Commerc d.o.o. Sarajevo - za MZ Kijevo RS, te MGBH d.o.o. Sarajevo - za čišćenje lokalnih puteva u MZ Trnovo i JKP Trnovo d.o.o. Trnovo - za MZ Dejčiće.

Radovi zimskog održavanja traju od 15.11.2020. do 15.04.2021. godine, a mogu početi ili završiti ranije, odnosno kasnije od predviđenog perioda, zavisno od vremenskih uslova.



### U toku izgradnja Kuće spasa na Bjelašnici

Na putu prema Lukomiru i vrhu Bjelašnice, na Štinom dolu nalazi se Kuća spasa, objekat koji ima svoju historiju. Sam naziv govori o tome kako je zaista bila spas za mnoge prolaznike i planinare u vrijeme mečava i jakih udara vjetra, a najviše je koristila mještanima koji su se tu sklanjali od nevremena na putovanju do svojih sela, kao i čobanima koji su čuvali stada na tim područjima. Nakon rata objekat je bio u ruševnom stanju, te je Općina Trnovo pokrenula projekt obnove. Nakon urađene projektne dokumentacije i potpisivanja ugovora počela je izgradnja sasvim novog objekta.

Vrijednost ugovora je 638.745,69 KM, a investitor radova je Općina Trnovo, sa 65.000,00 KM učestvuje Vlada Federacije BiH, te sa 140.000,00 Turistička zajednica KS. Izvođač radova je Neimari d.o.o., a nadzor vrši Arting BH.

Objekat će zadržati svoju prvu namjenu, a planirani su i dodatni sadržaji. Ukupna brutto površina objekta je 559,36 m<sup>2</sup>, a objekat se sastoji od podruma, prizemlja i dva potkrovila. Između ostalog objekat će imati: sobu spasa, recepciju i suvenirnicu, kupatila, sobe za spavanje, kuhinju, dnevni boravak, separe, toalete, salu za satanke i terasu.

U toku su radovi na krovnoj konstrukciji, nakon čega slijedi postavljanje vanjske stolarije i radovi unutar objekta, te unutrašnje opremanje, kao i radovi na fasadi objekta.

Ovo je jedan od projekata koji za cilj imaju podizanje kvalitete turističke ponude i promocije turizma na području Općine Trnovo.



### Općina Trnovo finansirala izgradnju rezervoara za Spile

Svake godine u budžetu Općine Trnovo izdvajaju se sredstva za pomoći drugim općinama, između ostalih sredstva su izdvajana za projekte u Kiseljaku, Čajniču, Rudom i Fojnici.

Kontinuirano se svake godine pomaže realizaciji projekata u Trnovu koje pripada Republici Srpskoj. Izdvajana su sredstva za asfaltiranje lokalnih puteva u Kijevu, Trnovu i Turovima, izgradnju crkve i Parohijskog doma u Trnovu, izgradnju javne rasvjete, projekte vodosnabdijevanja, a svake godine se finansira i održavanje zimskih puteva. Stanovništvu

ovih područja, pogotovo povratnicima u RS ova pomoć je od životne važnosti.

I ove godine izdvojena su sredstva za tu namjenu i upravo je realiziran projekat koji je u potpunosti finansirala Općina Trnovo. Riječ je o izgradnji rezervoara za vodosnabdijevanje sela Spile u Kijevu, čime je u ovom selu riješen višegodišnji problem u snabdijevanju pitkom vodom.

U planu je još nekoliko projekata vodosnabdijevanja u Kijevu, kao što su izgradnja rezervoara u Bogatićima i Batićima, koji takođe nemaju riješeno ovo pitanje.



### Izgradnja više objekata vodosnabdjevanja u Trnovu

Snabdjevanje građana vodom riješeno je jednim dijelom preko gradskih vodovoda u urbanom dijelu Trnova, Igmana i Bjelašnice, te dio naselja u Kijevu, dok se ostala sela i naselja snabdijevaju iz lokalnih vodovoda.

U cilju poboljšanja vodosnabdjevanja u MZ Trnovo izrađen je projekat za izgradnju Centralnog vodovoda od Bijelog potoka do Godinje, Trebečaja, Brutusa, Gračanice, Pendičića i Trnova. Planira se izgradnja cjevovoda i četiri rezervoara. Investitor za prvu fazu je Ministarstvo komunalne privrede i infrastrukture KS i Općina Trnovo.

Radovi na izgradnji Regionalnog vodovoda "Hoja-Bjelašnica-Igman", najsloženijeg vodovodnog sistema koji je rađen posljednjih 20. godina, su u završnoj fazi.

U toku je realizacija Ugovora u vrijednosti od 7.875.146,41 KM, investitor je Ministarstvo privrede KS i Općina Trnovo, a izvođač radova je Konzorcij: ITC Zenica d.o.o. i Roco-comerc d.o.o. Livno. Nadzor izvođenja radova vrši Zavod za izgradnju Kantona Sarajevo.

Nekoliko objekata vodosnabdijevanja iz ovog Ugovora su već završeni, a jedan je u toku. Završena je izgradnja vodovoda Štini Do - Poslovno-sportski centar Bjelašnica, izgradnja gravitacionog cjevovoda Grkarica-Igman i izgradnja rezervoara Proskok, dok su radovi na izgradnji rezervoara Šiljak u završnoj fazi.



### Izgrađen most na rijeci Bijeloj

U Mjesnoj zajednici Dejčići, na rijeci Bijeloj završena je gradnja mosta. Vrijednost ugovora je 71.453,25 KM, investitor je Općina Trnovo, radove je izveo Centar Han d.o.o, a nadzor Arting BH. Novi most odlikuje betonski luk sa ugrađenim bijelim špricanim kamenom u cementnom malteru i kamen sedre za unutrašnju oblogu luka. Ugrađena je granitna kaldrma i urađena pješačka ograda. Pored svoje funkcionalne uloge, most se ovakvim idejnim rješenjem uklopio u ambijent koji ga okružuje.



### Asfaltiranje puteva

Svjesni da ulaganjem u infrastrukturne projekte otvaraju put za brži razvoj lokalne zajednice, u Općini Trnovo investiraju u projekte izgradnje i asfaltiranja puteva. U protekloj građevinskoj sezoni sanirano i asfaltirano je više putnih komunikacija u svim Mjesnim zajednicama, kao i na području Trnova u RS. Sanacija i asfaltiranje puteva za organ uprave u Trnovu je kontinuiran posao, svake godine u tu svrhu, sa ciljem stvaranja boljeg i ljepšeg životnog ambijenta, iz budžeta se izdvajaju značajna finansijska sredstva.



### Završeni radovi na lokalnom putu Brda-Milišići

U Mjesnoj zajednici Šabići završeni su radovi sanacije i asfaltiranja lokalnog puta Brda-Milišići. Izvršena je sanacija i asfaltiranje dijela puta i proširenje nepreglednih krivina. Radove je izveo Konzorcij Goraždeputevi d.d. Goražde i GP PUT a.d. I.Sarajevo, a nadzor radova vršio je Arting BH d.o.o.

### Radovi na dionicama Ivanovo polje-Stubo i Lijeska - Trebečaj

Završeni su radovi na dionici Ivanovo polje-Stubo, a slijede radovi na ostale dvije dionice. Vrijednost projekta je 200.000,00 KM. Projekat zajedno finansiraju Ministarstvo saobraćaja-Direkcija za puteve i Općina Trnovo, u jednakom omjeru. Izvođač radova je "GP Ing" d.o.o. Sarajevo, a nadzor vrši IPSA Institut Sarajevo. Planirano je da putni pravac Babin do-Stubo-Ivanovo polje-Rašanovići čini cjelinu koja će sačinjavati kružni tok koji povezuje sva naselja Bjelašnice.



### Okončano asfaltiranje lokalnih puteva u Presjenici i dionice puta Ledići - Dejčići i Jablanica 1

Završeni su radovi na lokalnim putevima, gdje je izvršeno zatezanje postojeće trase uz pripremu podloge i polaganje asfalta. Radove je izvodila firma Dolovi d.o.o. Sokolac, a investitori radova su Ministarstvo saobraćaja KS, Direkcija za puteve KS i Općina Trnovo. Ukupna vrijednost Ugovora je 249.767,65 KM, a obuhvata sanaciju i asfaltiranje nekoliko nekategorisanih puteva.



### Asfaltiranje puteva u MZ Delijaš i MZ Šabići

U Mjesnoj zajednici Delijaš, u selu Šišići urađena je sanacija puta, a u selima Slavljevići i Balbašići asfaltirani su lokalni putevi. U Mjesnoj zajednici Šabići, u selu Kramari saniran je i asfaltiran lokalni put, sanacija puta u Oziminama, Bobovici i Rakitnici, put za groblje u Pervizima. Investitor radova je Općina Trnovo, a ukupna vrijednost investicije je 1.389.850,87 KM, koja uključuje radove na više dionica puteva. Izvođač radova je Konzorcij: Goraždeputevi d.d. iz Goražda i GP PUT a.d. I.Sarajevo.

### Asfaltiran lokalni put Šakote-Lukavac



Privedeni su kraju radovi asfaltiranja lokalnog puta Šakote-Lukavac uz ugradnju izdignutih ivičnjaka od cementnog betona.

Radove je izveo GP ING d.o.o., nadzor je vršio IPSA Institut Sarajevo, a investitori radova su Općina Trnovo i Direkcija za puteve KS.



### Sanacija i asfaltiranje šumskih puteva

Općina Trnovo nastavlja sa projektima sanacije i rekonstrukcije šumskih puteva, nakon realizacije nekoliko projekata u proteklim godinama, u 2020. godini projektom su obuhvaćeni putevi u MZ Šabići i MZ Dejčići. Ukupna vrijednost radova je 243.360,00 KM, investitor je Ministarstvo privrede KS sredstvima iz Fonda OKFŠ-a. Nadzor je vršio Zavod za izgradnju KS, a radove je izvela firma Dolovi d.o.o. Sokolac. U MZ Šabići završena je sanacija i asfaltiranje puta Rakitnica - Zarije i Starog groblja - Jastrebine. U MZ Dejčići urađena je sanacija i asfaltiranje puta Bare-Omenik. Višestruka je potreba za rekonstrukcijom šumskih puteva, pored toga što uglavnom prolaze kroz lokalna naselja, mogu biti korišteni i kao protivpožarni putevi, u slučaju požara.




### Završeni radovi na putu Rajske Do-Godinja

Novim asfaltom obradovani su stanovnici Rajske doline i Godinje u MZ Trnovo. Na ovom lokalnom putu je urađena sanacija postojeće trase puta i asfaltirana površina od 900 kvadrata. Investitor je Općina Trnovo, radove je izvodilo preduzeće Goraždeputevi d.d., a nadzor je vršio Arting BH d.o.o.

Ovo će olakšati život lokalnom stanovništvu i svima koji koriste ovaj put, a izgradnja lokalnih puteva jedna je od mjera podrške i nastojanje da ljudi ostanu da žive na ovim područjima.



### Asfaltiranje lokalnih puteva u Kijevu



U saradnji dviju općina, Općine Trnovo FBiH i Opštine Trnovo RS asfaltirano je nekoliko dionica lokalnih puteva u Kijevu.

Završeni su radovi na asfaltiranju lokalnog puta kod džamije ukupne dužine 96 m, te lokalnog puta kod Karića dužine 82 m, plus plato površine 105 m<sup>2</sup>.

Asfaltiran je lokalni put za Batiće u dužini od 270 m, te lokalni put za Jablanicu 2 u dužini 1025 m i put za Bogatiće u dužini 185 m.

Investitor projekta je Općina Trnovo FBiH u iznosu od 200.000 KM, a radove je izvelo preduzeće Dolovi d.o.o. Sokolac.

### Asfaltirana putna komunikacija za Ostojiće



Završeni su radovi na lokalnom putu u MZ Dejčići, putna komunikacija za naselje Ostojići gdje je urađena sanacija puta, te asfaltirana površina od 1.500,00 m<sup>2</sup>.

Investitor radova je Općina Trnovo, pripremne radove je izvelo građevinsko preduzeće Dolovi d.o.o. Sokolac, asfaltiranje Goraždeputevi d.d. Goražde, a nadzor nad izvođenjem radova vršio je Arting BH d.o.o.

### Novih 250 metara asfalta za Straišta

Postavljanjem asfaltnog sloja u dužini od 250 m na dijelu puta prema Straištim, okončan je još jedan dio projekta koji finansira Općina Trnovo koji obuhvata veći broj lokalnih puteva. Radove je izvodio konzorcij: Goraždeputevi d.d. i GP PUT a.d., a za nadzor bio je zadužen Arting BH d.o.o.

### Saniran i asfaltiran lokalni put Štini do-Lukavac

Okončana je sanacija i asfaltiranje putne komunikacije Štini do-Lukavac i izvršeno ugrađivanje izdignutih ivičnjaka od cementnog betona. Radove je izvelo građevinsko preduzeće Goraždeputevi d.d. Goražde, nadzor je vršio Arting BH d.o.o., a investitor radova je Općina Trnovo.

Ovo je nastavak višegodišnje prakse sanacije i asfaltiranja lokalnih puteva, čime se stvaraju bolji uslovi života za ova područja.



### Okončano asfaltiranje puta za Trebečaj

Privedeno je kraju i asfaltiranje lokalnog puta za Trebečaj, sanirana je postojeća trasa puta i asfaltirana dionica u dužini od 950 m, površina asfalta je 3.400 metara kvadratnih. Radove je izvodila firma GP ING d.o.o. Sarajevo, nadzor je obavljao IPSA Institut Sarajevo, a investitori su Ministarstvo saobraćaja KS, Direkcija za puteve KS i Općina Trnovo.



### Okončani radovi na lokalnim putevima u Bobovici i Oziminama

Okončani su radovi i na lokalnim putevima u naseljima Bobovica i Ozimine u Mjesnoj zajednici Šabići, gdje je urađena sanacija i asfaltiranje puteva.

Radove je finansirala Općina Trnovo, a nadzor nad izvođenjem radova vršio je Arting BH d.o.o. Radove je izvelo građevinsko preduzeće Goraždeputevi d.d. Goražde.

### Asfaltiran lokalni put za Gaj



Nastavkom radova na modernizaciji i rekonstrukciji putne mreže na području Općine Trnovo, u MZ Dejčići, radnici firme Goraždeputevi d.d. uradili su sanaciju i asfaltiranje lokalnog puta za Gaj.

## Infrastrukturni projekti Općine Trnovo

### Izgrađen parking na Bjelašnici

Završeni su radovi na izgradnji parkinga na Bjelašnici u blizini hotela Maršal. Urađeno je 128 parking mesta.

Radove je izvelo preduzeće GP ING d.o.o. Sarajevo, a nadzor je vršio Arting BH d.o.o. Sarajevo.

Vrijednost Ugovora je 41.861,11 KM.



### Vodopojilište Stubo

U završnoj fazi je projekat Vodopojilište Stubo, sa početkom građevinske sezone ostalo je da se uradi pokrov od lima, asfaltni dio i ograda. Ukupna vrijednost radova je 118.677,70 KM, izvođač radova je ZZ Gros Comp d.o.o. Hadžići, a nadzorni organ je Arting BH d.o.o. Sarajevo

### Izgradnja bioprečistača u naselju Ostojići

Radovi na izgradnji bioprečistača u naselju Ostojići privедени su kraju, uz probno puštanje u rad. Radove je izvodio Flex Invest d.o.o. Sarajevo, a nadzor je vršio Arting BH d.o.o. Sarajevo. Ukupna vrijednost izvedenih radova iznosi 49.378,11 KM.

Izvršeno je probno testiranje rada bioprečistača sa napajanjem električnom energijom putem agregata, te je konstatovano da uređaj ispunjava tehničke zahtjeve u smislu cirkulacije električne energije, rada pumpi i protoka otpadne vode.

Nakon obezbjeđenja elektro priključka, potrebno je ispitivanje namjenske funkcionalnosti uređaja, obzirom da je za proces prečišćavanja i analizu prečišćene otpadne vode potrebno da bioprečistač bude spojen minimalno 40 dana na stalnu elektro mrežu.



### Izgrađena kanalizacija za Gaj

Završena je izgradnja kanalizacijske mreže u selu Gaj, tako da su domaćinstva sada spojena na sistem odvodnje. Radove je izvela firma Milišić-Trans d.o.o. Trnovo, a nadzor je obavio Arting BH d.o.o. Sarajevo. Vrijednost izvršenih radova je 35.100,00 KM. Izgradnja ove mreže ima veliki značaj kako za zdravlje stanovništva, tako i za eko sistem i očuvanje prirode.



### Poslovno – sportski centar Trnovo

Jedan od najvažnijih urbanističkih projekata koje realizuje Općina Trnovo u saradnji sa Vladom Kantona Sarajevo, je izgradnja "Poslovno-sportskog centra Trnovo". Centar će obuhvatiti površinu od 11,39 ha, a smješten je na ulazu u zonu Babinog Dola.

Do sada je urađeno:

- Na sportskoj dvorani u završnoj fazi su armiranobetonski radovi, izvedena je montažno-monolitna konstrukcija.
- Na administrativnom objektu su izvedeni armiranobetonski radovi zaključno sa međuspratnom pločom prizemlja, POZ 200.
- Na Relax centru izvedeni su armiranobetonski radovi zaključno sa drugom etažom, pločom prizemlja POZ 200.
- Na balon igralištu u cijelom obimu su armiranobetonski radovi na armiranobetonski temeljima, slijedi doprema i izvođenje radova na montaži balona.
- Na ostalim igralištima do sada nije bilo radova.
- Od radova izvedenih na infrastrukturi izvode se radovi na kišnom i fekalnom kolektoru.

U 2021.godini nastaviće se radovi na izgradnji sportske dvorane, tj. izvođenje zanatskih radova i opremanje objekta. Na Relax centru planiran je nastavak grubih radova, te izvođenje zanatskih radova u objektu. Također je na administrativnom objektu planiran završetak grubih radova i pokrivanje objekta.

Pored izgradnje objekta, sa početkom građevinske sezone će se intezivirati radovi na izgradnji infrastrukture – izgradnja saobraćajnice, izgradnja fekalne i kišne kanalizacije, izgradnja trafostanice i niskonaponske mreže i izgradnja javne rasvjete.



## Infrastrukturni projekti Općine Trnovo

### Završeno uređenje centra MZ Šabići

Radnici firme GP Ing d.o.o. Sarajevo završili su radove na uređenju centra MZ Šabići, a nadzor je obavio Arting BH d.o.o. Sarajevo. Vrijednost izvedenih radova je 199.673,32 KM.

Asfaltiran je put od skretanja za Rakitnicu do iznad "Škole u prirodi" u Šabićima, sa izgrađenim parkingom, koji će olakšati održavanje svih manifestacija u MZ, kao i aktivnosti koje se odvijaju u okviru škole .



### Sanacija bunara u naseljima

Završeni su radovi koji su obuhvatili sanaciju bunara u naseljima: Žilići, Brda, Milišići i Lukavac. Radove su izveli radnici preduzeća ZZ Gros Comp d.o.o. Hadžići, a nadzor je uradio Arting BH d.o.o. Sarajevo. Vrijednost izvršenih radova je 54.214,57 KM.

Pored toga što omogućavaju stalnu snabdijevenost sela vodom, bunari imaju značajnu ulogu u očuvanju tradicije ovog kraja, a također predstavljaju i turističku atrakciju.



### Izgradnja jarbola i reklamnih panoa

Završeni su radovi izgradnje jarbola i reklamnih panoa na području Trnova kod zgrade Općine, Delijaša, Šabića, Dejcica i na Kružnom toku na Bjelašnici.

Vrijednost radova je 23.629,30 KM, a radove je izvelo preduzeće Fadž-Company d.o.o. Ilidža. Nadzor je obavio Arting BH d.o.o. Sarajevo.

### Auto cisterna za Općinu Trnovo

Dana 08.07.2020. godine Uprava Civilne zaštite KS predala je na korišćenje novu auto cisternu za pitku vodu Službi za zaštitu od požara Općine Trnovo. Primopredaja je izvršena u krugu ispostave Profesionalne vatrogasne jedinice na Stupu, a predaju je obavio direktor KUCZ Jasmin Terović pomoćniku načelnika općine Trnovo za CZ i inspekcijske poslove Mirsadu Mešiću. Jedna cisterna je dodijeljena i Općini Hadžići. Radi se o auto cisterni za vodu sa ugrađenim mlaznicama i centrifugalnom pumpom, zbog čega se mogu koristiti i za druge



potrebe, poput pranja ulica i kao ispomoć vatrogasnim jedinicama u slučaju većih požara. Opremljena je spremnikom vode zapremine 8000 litara.

Ugovor je sklopljen na četiri godine, uz mogućnost produženja. "Općini Trnovo će biti od iznimne koristi i služit će prvenstveno za vodosnabdjevanje, jer u ljetnim mjesecima dosta malih vodosistema presuše, upravo ovaj projekat zasnovan je na tome da građani ne osjete taj nedostatak" - istakao je Mešić. Navedene auto cisterne će se takođe koristiti za snabdjevanje vodom migrantskih centara koji se nalaze na području općina Trnovo i Hadžići.



### Uručene zahvalnice za pomoć u izgradnji Parohijskog doma

U posjeti Općini Trnovo, u srijedu 24.06.2020. godine, boravili su načelnik Opštine Trnovo RS, Dragomir Gagović i sveštenik pri crkvi Sv. velikomučenika Georgija u Trnovu RS, Njegoslav Jelisić. Tom prilikom načelniku Ibro Berilu su uručili zahvalnice Crkvene opštine Trnovo i iskazali zahvalnost na doniranim sredstvima za izgradnju Parohijskog doma.

Općina Trnovo kao društveno odgovorna lokalna zajednica, pomaže onima kojima je pomoć potrebna, a ovim je još jednom potvrđena kontinuirana i veoma dobra saradnja dvije susjedne općine.



### Delegacija Libijske kompanije za strane investicije posjetila Trnovo

Delegacija Libijske kompanije za strane investicije posjetila je Općinu Trnovo. Goste je primio Općinski načelnik Ibro Berilo sa saradnicima u hotelu Han na olimpijskoj Bjelašnici.

Delegaciju su činili - Salem Hnesh, generalni direktor, Libyan Foreign Investment Company (LAFICO), Aboulqasem Daoub, šef ureda, Aboujela Almehdi, direktor upravljanja investicijama, Taha Almegrihi, član pravnog odjela, Adel Ghedafi, konzul u Libijskom Ministarstvu vanjskih poslova i Al Motasem Bellah Dhawi, otpravnik poslova Libijske ambasade u BiH. Predstavnici Općine održali su



prezentaciju o potencijalima i mogućnostima koje pruža prostor koji obuhvata Općina Trnovo, pogotovo u oblasti turizma i ugostiteljstva. Gosti su upoznati i sa trenutnim projektima u Općini, kao i onima koji se planiraju realizovati. Libijska kompanija za strana ulaganja (LAFICO) predstavlja libijski državni fond osnovan 1981. godine, čiji je cilj da investira javni novac u projekte koji doprinose razvoju domaće privrede i diverzifikaciju prihoda iz inostranstva.

Trenutno ulaže u 30 zemalja širom svijeta, posebno u sektore turizma, proizvodnju, te uslužne djelatnosti. Libijska delegacija je zainteresovana za investiranje, pogotovo u sektor turizma u BiH, izražena je nada i želja da će u budućem periodu doći do saradnje.

### JU DZ Kantona Sarajevo dodijelio zahvalnicu Općini Trnovo

Generalni direktor JU Domovi zdravlja Kantona Sarajevo, dr. Muhamed Ahmić, 21.07.2020. godine posjetio je Općinu Trnovo, i tom prilikom načelniku Općine Trnovo Ibro Berilu uručio zahvalnicu za nesebičnu pomoć, podršku i donaciju u vrijeme pandemije Covid-19.


Također je razgovarano o potrebama stanovništva koji pripadaju OJ Dom zdravlja Trnovo, te dogovoren nastavak uspešne saradnje.



## MONOGRAFIJA OPĆINE TRNOVO, 2020.

U izdanju Općine Trnovo izašla je "Monografija Općine Trnovo", čiji su urednici Omer Vatrić i Haris Pindžo. Autori monografije su: dr. Enver Imamović, dr. Aldin Husić, Ramiz Mehmedagić, mr. Sejdalija Gušić, Saša Klepić, Mehmed Meša Mulaosmanović, dr. Admir Mulaosmanović i Faruk Vele.

Monografija sadrži jedanaest poglavlja - Najstarije doba, Trnovo u vrijeme osmanske uprave, Trnovo u periodu austrougarske vladavine, Trnovo između dva svjetska rata, Trnovo u drugom svjetskom ratu, Poslijeratni razvoj i tokovi, Trnovo u vrijeme agresije na Republiku BiH, Početak oružane agresije na Republiku BiH, Konačno povratak u Trnovo, Rađanje iz pepela i Društveni život Trnova.



### Turizam na području Općine Trnovo

Za područje Općine Trnovo razvoj turizma ima veliki značaj i predstavlja priliku za njen dalji razvoj. Trnovo pruža ogromne mogućnosti za odmor i rekreativnu, a cijeli prostor općine odlikuje ogroman turistički potencijal koji čine brojne rijeke, planinski potoci, flora i fauna, pećine, olimpijske planine i brojni kulturno-historijski spomenici, te bogatstvo čistog zraka i velika koncentracija ozona na planini Igman.

Na ovom prostoru priroda je načinila nevjerojatan sklad, a prostor planina je lijep i zimi i ljeti. U zimskom periodu posjetioce najviše privlače skijanje i ostale zimske aktivnosti na Bjelašnici i Igmanu, dok je ljetni period karakterističan po planinskim turama preko Igmana, Bjelašnice, Visočice, Jahorine i Treskavice, te kroz sela Umoljane, Rakitnicu i Šabiće, kao i posjete prirodnim ljepotama i kulturno-historijskim spomenicima. Jedna od najinteresantnijih lokacija je živopisni kanjon Rakitnice, koji se nalazi između Bjelašnice i Visočice. Tu su i brojne nekropole stećaka, poput onih u Šabićima, Umoljanima i Prečkom polju. Trnovo je pogodno i za brdski bicikлизам, a sezona vožnje traje od proljeća do jeseni. Tu su i luksuzni hoteli, apartmani, planinarski domovi i izletišta.



Općina Trnovo ulaže velike napore u stvaranju pretpostavki za dalji razvoj turizma te su pokrenuti projekti koji imaju za cilj poboljšati turističku ponudu. Ključni projekat u predstojećem periodu je izgradnja poslovno-sportskog centra na Bjelašnici. Razvoj turizma omogućava stvaranje kvalitetnijeg ambijenta na cijelom prostoru općine. Ovaj razvoj podrazumijeva istovremeno i zaštitu svih vodotoka od zagadjenja, zaštitu i obnavljanje šuma, ozeljenjavanje svih prostora, modernizaciju puteva i veliki nivo komunalne higijene. Turizam zahtjeva smisljeno planiranje svih segmenata života i rada.

### Markirana južna staza na Bjelašnici



Na dan memorijalnog pohoda u znak sjećanja na nastrandale planinare 1962. godine, članovi Udruženja Ambasadori olimpijskih planina završili su markiranje južne staze na olimpijskoj Bjelašnici. Postavljene su ljetne i zimske markacije ukupne dužine 10.700 metara sa visinskom razlikom od 790 metara, a naknadno je označen dio koji spaja Kuću spasa sa olimpijskim stazama. Postavljeno je 40 edukativnih tabli koje opisuju zanimljivosti o kulturnoj baštini, flori i fauni, klimi i o Zimskim olimpijskim igrama 1984. godine. Na markacijskim tablama je korištena reflektirajuća folija čime je obezbijeđeno olakšano kretanje planinara i u noćnim satima.

### Otvorena zimska sezona na Bjelašnici i Igmanu



Zimska turistička sezona 2020/2021 zvanično je otvorena na Bjelašnici, 12.12.2020. godine.

Uobičajena manifestacija otvaranja je izostala zbog epidemiološke situacije, a kao zamjena bilo je omogućeno besplatno skijanje, za najmlađe atrakcija je bio Vučko sa kojim su se djeca slikala i igrala.

Posjetioci koji ne skijaju mogu uživati u panoramskom razgledanju Bjelašnice na šestosjednoj žičari, gastro ugostiteljskoj ponudi, sankalištu i čistom zraku.

Pored otvorenih staza, u funkciji je Kolijevka, a sistem za vještačko osnježavanje obogaćen je sa novih deset topova za pravljenje snijega, uz postojećih 36.

Radno vrijeme ski-centra je od 08:00 do 16:00 sati, a u određene dane biće omogućeno noćno skijanje od 18:30 do 21:00 sat.

Na Malom polju na Igmanu završen je generalni remont dvosedne žičare, sve je spremno za zimsku sezonu.

**Aktivnosti Udruženja "Vatrogasno društvo Trnovo" u 2020. godini**

"Vatrogasno društvo Trnovo" prvenstveno služi svojim sugrađanima prilikom zaštite i pomoći od požara, ali se takođe vrše i intervencije koje uzrokuju razne prirodne nepogode: poplave, srušena stabla i razne tehničke intervencije.

U toku 2020. godine VD Trnovo imalo je 56 intervencija na gašenju požara na otvorenom prostoru, u pitanju je bilo gašenje požara na niskom rastinju i trnu, te jedna intervencija na pomoćnom stambenom objektu u Dejcćima. Prema propisanim procedurama, po dojavi dispečera Profesionalne vatrogasne brigade Sarajevo, Vatrogasno društvo Trnovo izlazi na intervencije. Za svaku intervenciju dostavlja se Izvještaj Kantonalnoj upravi CZ.

Vatrogasci redovno unapređuju svoja znanja kako bi mogli djelovati, a trebaju i stalno poboljšanje opreme koja im je potrebna za uspješan rad.

U 2020. godini nabavljena je pumpa za vodu, agregat za struju, vatrogasna crijeva, spojke, mlaznice i aparat za početno gašenje požara.

Kantonalna uprava civilne zaštite dala je CZ Trnovo na korištenje auto-cisternu za snabdijevanje pitkom vodom, koja se također može koristiti i za gašenje požara i pranje ulica.

Pored primarnih zadataka, u zimskom periodu je Vatrogasno društvo bilo angažovano na čišćenju i održavanju trotoara na Babinom Dolu, te na uklanjanju kamenja sa sankališta, kao i čišćenju komunalnog otpada.

U 2020. godini radili su i na osvjetljavanju puteva, a ukupna dužina osvijetljenih putnih pravaca je 27.700 metara. Jedna od aktivnosti je i uklanjanje granja i niskog rastinja na putnim prvcima: Rijeka-Jelačići, Jelačići-Slavljevići, Rijeka-Govedovići, Delijaš-Boljanovići, Mošići-Šlivaci, Rijeka-Bašci, Godinja-Razin gaj i Luke-Durakovići. Za sve navedene putne pravce Vatrogasno društvo je izradilo projekte, koji su dobili saglasnost Kantonalne Uprave za šumarstvo i KJP Sarajevo-šume.

Radovi su prošli i kontrolu nadležne Općinske službe, a u vrijeme radova nije dolazilo do smanjenja mobilnosti unutar društva.





### Borba protiv korona virusa i angažman Kriznog štaba CZ Općine Trnovo

Krizni štab CZ Općine Trnovo poduzima je sve što je neophodno u cilju da se sačuvaju životi i zdravlje ljudi u vrijeme širenja korona virusa. Štab je provodio sve naredbe i preporuke koje su donosili Federalni i Kantonalni štabovi Civilne zaštite. Vandredna situacija je zahtijevala odlučne mјere, pa su bile preduzete sljedeće:

- Općinski štab Civilne zaštite stavljen je u funkciju;
- Kupljena je zaštitna oprema za osoblje Doma zdravlja Trnovo;
- Postavljen je šator za trijažu pacijenata;
- Izrađen je i distribuiran letak s naredbama o ponašanju građana u stanju epidemije;
- Nabavljene i distribuirane maske putem sekretara MZ za sve starije osobe na prostoru općine Trnovo;
- Redovno se vršila dezinfekcija javnih prostora;
- Vršeno je pranje javnih površina na frekventnim mjestima;
- Uspostavljeno je skraćeno radno vrijeme u organu uprave i reducirani broj izvršilaca;
- Općina Trnovo organizirala je podjelu paketa sa prehrabbenim proizvodima starijim osobama i onima koje su u stanju socijalne potrebe.



Crveni križ općine Trnovo također je poduzimao neophodne radnje kako bi se olakšao život građana naše općine, te njihovi aktivisti, volonteri, na čelu sa sekretarom, Ifetom Krupalija dostavljali su redovnu terapiju lijekova starijim građanima, koji nemaju bližih srodnika da se brinu o njima.

Dom zdravlja Trnovo funkcionalisao je bez značajnih problema, pod kontrolom je bio i Azilantski centar u Delijašima, a policijska stanica Trnovo bila je pojačano angažovana kako bi se ispoštovale higijensko-epidemiološke mјere koje su bile na snazi.

Krizni štab Općine Trnovo u saradnji sa Domom zdravlja i Policijskom stanicom Trnovo bio je na raspolaganju svim stanovnicima Općine.



## Aktivnosti JKP "Trnovo" u 2020. godini

Pored redovnih poslova urednog snabdijevanja građana Općine Trnovo pitkom vodom, redovnog održavanja vodovodnih sistema i izvorišta u četiri MZ, JKP "Trnovo" radi i sanaciju i izgradnju vodovodnih sistema, objekata i pumpnih sistema, zatim zimsko čišćenje i održavanje lokalnih puteva. JKP Trnovo radi i na sanaciji i izgradnji kanalizacija, mašinske iskope i čišćenje, te uklanjanje otpada.

U 2020. godini osim navedenih poslova, JKP "Trnovo" izvršilo je i sljedeće poslove:



- Realizovalo je projekat sanacije lokalnih vodovoda za obezbjeđenje dodatnih količina pitke vode za naselja Ostojići, Šabanci, Klanac, Obla Brda, Prečani, Rahovići i Umčani. Izgrađeni vodovodni sistem je dužine 4200 metara.



- Završena je izgradnja vodovodnog sistema Dujmovska Brda-Bare, čime su povezana dva velika vodovodna sistema. Dužina vodovoda je 3600 metara.



- Izgrađen je rezervoar zapremine  $20\text{ m}^3$ , zajedno sa pumpnom stanicom i izvršeno opremanje iste. Navedenim se riješava problem vodosnabdijevanja Umoljana.

- Započeto je hortikulturalno uređenje na lokalitetu Babin Do.

- Realizovano je čišćenje bujičnih vodotoka – Bijele rijeke, Presjenice, Tušiočkog potoka i potoka Krsinja.

- Započeta realizacija projekta - Izgradnja centralnog vodovoda za naselja Godinja, Trebečaj, Brutusi, Gračanica, Pendičići i Trnovo.

- Završeni radovi na novoj pumpnoj stanci kanalizacionog sistema "Srebrna Lisica", te puštanje sistema u rad.

- Zimsko održavanje MZ Dejčići, te intervencija na pumpnoj stanci Velika vrela.

Pored toga rađeni su mnogi manji radovi po nalogu Općine Trnovo, te vršena naplata parking prostora na Bjelašnici u toku zimske sezone. U toku godine izvršeno je postavljanje vodomjera u selima Ostojići i Dejčići, te je otklonjeno 486 kvarova na vodovodnim sistemima i 27 kvarova na pumpnim sistemima.



### Novčana potpora mladima

Općina Trnovo kao društveno odgovorna lokalna zajednica izdvaja sredstva iz Budžeta za one kategorije stanovništva kojima je pomoć potrebna, između ostalih za liječenje socijalno ugroženih lica, za teška oboljenja boračkih kategorija, jednokratne pomoći za socijalno ugroženo stanovništvo, kao i druge vrste pomoći.

Sredstva se izdvajaju i za mlađu populaciju u oblasti sporta i školovanja, u vidu potpore uspješnih sportista i stipendiranje đaka i studenata. Posebna pažnja poklanja se novovjenčanim parovima i svakoj rođenoj bebi. Prema socijalnom programu Općine od 2017. godine dodjeljuje se svakom novom bračnom paru novčana pomoć u iznosu od 500,00 KM.



Na taj način želi se pomoći mladima da zasnuju svoje porodice, a u tekućoj godini 14 parova je izgovorilo sudbonosno "da" pred matičarem Općine Trnovo.

Odlukom iz 2015. godine krenulo se sa isplatom novčanih sredstava za svu novorođenu djecu u periodu od 12 mjeseci, u iznosu od 50,00 KM mjesечно. U toku ove godine rođeno je 19 beba, što je povećan broj u odnosu na ranije godine. Cilj ovih projekata je podstaći natalitet na području Trnova, kao i ostanak mlađih na ovim prostorima, što je gorući problem u cijeloj BiH.

### Pomoć za porodice sa više djece i ugroženim učenicima

Kroz socijalnu politiku Općine Trnovo, odobrena su novčana sredstva u iznosu od 2.100,00 KM za porodice sa troje i više djece i ugroženim učenicima, kao pomoć za opremanje djece za nastavu.

U sali Općine, 21.09.2020. godine, Općinski načelnik Ibro Berilo sa saradnicima primio je roditelje sa djecom, i tom prilikom uručena su im namjenjena sredstva.

Za jednu porodicu dodjeljen je iznos od 300,00 KM, za šest porodica iznos od 200,00 KM i za šest porodica iznos od 100,00 KM.



### Socijalna davanja "ranjivim" kategorijama

Ponekad u životu ljudima zatreba pomoć koju pruža sistem socijalne zaštite koji pomaže socijalno najugroženijim građanima, koji zbog nepovoljnih ličnih ili društvenih okolnosti nisu u mogućnosti samostalno zadovoljiti svoje osnovne životne potrebe.

Dugi niz godina Općina Trnovo je uz svoje građane kojima zbog bolesti, dugotrajne nezaposlenosti i sličnih teških životnih okolnosti prijeti siromaštvo i socijalna isključenost, te im je potrebna pomoć. U tekućoj kalendarskoj godini Općina Trnovo je dala novčana sredstva za liječenje 87 socijalno ugroženih lica u iznosu od 150 do 500 KM u zavisnosti od vrste oboljenja, podijeljeno je 107 jednokratnih pomoći u iznosima od 150 do 200 KM.

Za teška oboljenja boračkih kategorija data je pomoć za 10 lica u iznosu od 500 do 2.000 KM, u zavisnosti od vrste oboljenja. Za ukope osoba koje nisu ovo pravo ostvarile po drugom osnovu, 16 ih je ostvarilo pomoć u iznosu od po 500 KM.

## Naša djeca - naša budućnost

### Početak nove školske godine u JU OŠ "Zaim Kolar"

Nova školska 2020/2021. godina u JU OŠ "Zaim Kolar" u Trnovu-Dejčići, ovaj put počela je znatno drugačije nego proteklih godina, zbog epidemiološke situacije uzrokovane COVID-19. Nastava je počela 01.09.2020. godine sa prijemom prvačića, tom prilikom novim učenicima kratko se obratio direktor škole, a potom su predstavnici Općine Trnovo podijelili ruksake sa školskim priborom, te udžbenike.

Ranijih godina je bila praksa da se organizuje prigodna priredba prilikom prijema prvačića, ali zbog pomenute epidemiološke situacije po prvi put to neće biti slučaj. Prijem je obavljen uz stoga pridržavanje važećih epidemioloških mjera.

Za učenike od drugog do devetog razreda, prvi dan škole, nastava se realizuje online, preko platforme Office 365 for education.

Od 02.09.2020. godine u školu su krenuli učenici nižih razreda, od prvog do četvrtog razreda, dok učenici viših razreda i dalje nastavu realizuju online. Nastavni časovi traju po pola sata, bez velikog odmora, a realizuju se svi časovi osim časova tjelesnog i zdravstvenog odgoja čija realizacija se odvija online.



### Podrška najmlađim stanovnicima

Osim redovnih izdvajanja budžetskih sredstava za realizaciju planiranih projekata, podršku mladima i "ranjivim" kategorijama stanovništva, o čemu smo već pisali, Općina Trnovo u svojim izdvajanjima obuhvata pojedince, udruženja, društva i vjerske zajednice.

Svake godine izdvajaju se sredstva za opremanje školaraca, za prevoz đaka, za pomoć u školovanju mlađih, a u ovoj godini su izdvojena sredstva za udruženja koja pomažu djeci oboljeloj od raka. Početkom školske godine uručena je pomoć za đake prvake u vidu školskih ruksaka sa priborom i udžbenicima. Osim toga, svakom prvačiću je darovano po 100 KM kao pomoć u opremanju za školu, a za porodice sa troje i više djece i ugroženim učenicima izdvojeno je 2.100 KM. Općina je pomogla promociju maturanata, kao i obilježavanje značajnih događaja u Osnovnoj školi "Zaim Kolar".

Trenutno 37 djece su korisnici dječijeg dodatka, od kojih 26 njih ostvaruje pravo po Zakonu o socijalnoj zaštiti, a 11 po osnovu Zakona o dopunskim pavima boraca.

### Novogodišnji paketići za sve osnovce

Općina Trnovo obezbijedila je novogodišnje paketiće za sve učenike O.Š "Zaim Kolar". Obradovano je njih 59, uz želje da im Nova godina donese zdravlje, sreću i uspjeh u usvajanju novih znanja.



### Đaci prvaci u školskim klupama

JU OŠ "Zaim Kolar" - Dejčići je primila svoje đake prvake, njih osam počinje svoju novu životnu fazu. Uz striktno pridržavanje epidemioloških mjera koje su na snazi zbog COVID-19, organizovan je prijem za nove učenike i njihove roditelje. Direktor škole Adis Hodžić im je poželio dobrodošlicu i dao određene upute roditeljima kako trebaju teći pripreme djece pred dolazak u školu, kao i kojih će se mjera pridržavati u samoj školi, vezano za pandemiju koronavirusa, te kako će se odvijati sama nastava.

Prijemu prvačića su prisustvovali i predstavnici Općine Trnovo, i tom prilikom im uručili školske ruksake sa priborom i udžbenicima, koje je obezbijedila Općina. Po ulasku u učionicu prvačice je na školskim klupama čekao poklon od Škole, a u pitanju su pernice.

Općina Trnovo svim školarcima i prosvjetnim radnicima, a posebno prvacima i njihovim roditeljima želi uspješan početak nove školske godine.

Dragi đaci prvaci, želimo vam srećan početak školovanja!



### Novčana pomoć za prvačice

Iz Budžeta Općine Trnovo odobrena je isplata novčanih sredstava za osam učenika prvog razreda O.Š "Zaim Kolar", u iznosu od 800,00 KM. Kroz socijalnu politiku Općine želi se pomoći roditeljima u opremanju školaraca za nastavni proces.

Općinski načelnik Ibro Berilo je tim povodom, 21.09.2020.godine, u O.Š "Zaim Kolar" uručio prvačicima dodjeljena sredstva, svakom učeniku po 100,00 KM.



## Obilježavanje značajnih datuma

### Obilježena godišnjica pogibije Mehanić Keme

U organizaciji UJOB Unija veterana Općine Trnovo, 16.06.2020.godine, na mezarju Turovi – Trnovo obilježena je godišnjica pogibije Mehanić (Abid) Keme. Tim povodom proučen je J'asin i položeno cvijeće. Odata je počast borcu Armije BiH, koji je dao svoj život kao šehid, za odbranu svoje domovine. Cvijeće su pored porodice, položili: delegacija Saveza udruženja dobitnika ratnih priznanja Zlatni Ijljan i Zlatna policijska značka KS, delegacija ispred koordinacije boračkih udruženja KS, predstavnici UJOB Unija veterana Općine Trnovo, i predstavnici Općine Trnovo. Kemo Mehanić rođen je 03. Januara 1959. godine, u selu Turovi. Herojski je poginuo 16. juna 1992. godine na Šestaljevu. Posthumno je odlikovan Zlatnim Ijljanom i Policijskom medaljom za hrabrost. Kratki čas historije održao je Edhem Godinjak direktni učesnik dešavanja u kojima je stradao rahmetli Kemo. Naglasio je Keminu hrabrost u najtežim momentima odbrane, kada je stao pred samohotku - tenk i uništio je, te time zaustavio dalji prodor VRS. Kemo je bio bosanski gazija, u pravom smislu te riječi.




### Na "bolji" svijet preselio Mirsad Mizdrak - Šaraf

Dana 18.06.2020. godine preselio je naš Mirsad Mizdrak, poznat kao Šaraf, u 61. godini.

Bio je aktivni učesnik odbrane domovine, kao komandir diverzantskog odreda TO i policije.

Dobitnik je ratnih priznanja Zlatni Ijljan i Srebrena Policijska Značka.



### Dan šehida

Dan šehida, koji se tradicionalno obilježava drugog dana ramazanskog Bajrama, prilika je da se svi građani Bosne i Hercegovine prisjetе onih koji su položili svoje živote za svoje mjesto i zemlju u periodu od 1992-1995. godine.

Općina Trnovo svake godine obilježavanje ovog značajnog datuma upriliči na centralnom spomen-obilježju Igman- Veliko polje, u organizaciji Udruženja šehida i poginulih boraca općine Trnovo.

Dan šehida je dan sjećanja na sve one koji su se svojom hrabrošću i plemenitošću u odbrani Bosne i Hercegovine uzdigli do najsjetlijih primjera boraca za pravdu, istinu i dostojanstvo.

Odata je počast i brojne delegacije su položile cvijeće, a cvijeće je položila i delegacija Općine Trnovo, na čelu sa predsjedavajućom Općinskog vijeća i Općinskim načelnikom.



## Obilježavanje značajnih datuma

### Obilježena godišnjica oslobađanja Platoa Straišta, Prečkog polja i Presjenice

Dana, 07.07.2020. godine, na spomen obilježju Bare-Dejčići, obilježena je godišnjica oslobađanja Platoa Straišta, Prečkog polja i Presjenice, područja koja su bila od velike važnosti u odbrani šireg područja Dejčića. U tim dejstvima su poginuli heroji koji su dali svoje živote za odbranu Trnova i BiH.

Velika požrtvovanost Armije BiH i pripadnika policije, sačuvala je stanovništvo ovih područja od velikih stradanja. Ovo su područja koja potvrđuju da agresor nije uspio ostvariti svoje političke i vojne ciljeve, zahvaljujući prevenstveno snazi branilaca i stanovništva.

Proučen je J'asin i dova, a cvijeće su položili: predstavnici Općine Trnovo i predstavnici Boračkih udruženja Općine Trnovo.

Zbog sigurnosnog ograničenja radi opasnosti od širenja Covid-19, obilježavanju je prisustvovao ograničen broj učesnika.



### Godišnjica diverzantske akcije Čakle – Dan diverzanata

U organizaciji Udruženja JOB Unija veterana Općine Trnovo, na spomen-obilježju Igman, te na platou Čakle-Proskok, obilježena je 26. godišnjica diverzantske akcije na Čaklama, poznata još kao Dan diverzanata.

Odata je počast svim poginulim i umrlim braniteljima u proteklom ratu, a posebno pripadnicima diverzantskog voda 1. Bošnjačke brigade, kao i poginulom u toj akciji - Mehanić Mirsadu, te proučen Jasini dovu.

Odali su počast i položili cvijeće: predstavnici Ministarstva za pitanja boraca KS i Koordinacije boračkih udruženja KS, predstavnici Općine Trnovo na čelu sa načelnikom, Udruženje JOB KS, Savez RVI KS, Savez udruženja najvećih ratnih priznanja Zlatni ljljan i Zlatna policijska značka KS, Koordinacija boračkih udruženja Općine Trnovo i predstavnici općinske organizacije SDA Trnovo. Na platou Čakle, mjestu pogibije Mehanić Mirsada, pored navedenih delegacija počast je odala i položila cvijeće i njegova porodica. Mirsad je bio pripadnik DIV-a Prve Bošnjačke brigade i obavljao dužnost komandira voda. Poginuo je 06.10.1994. godine u oslobađanju platoa Bjelašnice u mjestu Čakle.

Historijski čas o dešavanjima na Čaklama održao je Zakir Imamović, a skupu se obratio i Osman Smajlović, pomoćnik ministra za boračka pitanja KS. Iskazano je poštovanje i zahvalnost Trnovskim diverzantima, kao herojima našega doba, uz opomenu da se ne smije zaboraviti njihova uloga u proteklom ratu.



## Obilježavanje značajnih datuma

### Obilježen Dan državnosti Bosne i Hercegovine

Povodom obilježavanja 25. novembra – Dana državnosti Bosne i Hercegovine delegacije svih nivoa vlasti položile su cvijeće i odale počast na spomen-obilježju Vječna vatra, na centralnom spomen-obilježju Kovači i na mezaru prvog predsjednika RBiH Alije Izetbegovića, te na spomen-obilježju ubijenoj djeci opkoljenog Sarajeva '92-'95, kao i na spomen-parku Vraca.

Počast svima koji su dali doprinos u stvaranju i očuvanju državnosti naše domovine, uz polaganje cvijeća odala je i delegacija Općine Trnovo.



### "Obrana BiH - Igman 2020. godine" – "Ostani kući i posvjedoči"

Manifestacija Obrana BiH – Igman, počela je 3. avgusta parastosom u Staroj pravoslavnoj crkvi u Sarajevu, a nastavljena je otvaranjem izložbe Domovina u srcu u MMC u amfiteatru na Kovačima, nakon toga uslijedilo je predavanje na temu "Alija Izetbegović – vrhovni komandant Armije RBiH." Održana je i misa zadušnica za poginule branitelje.

Centralni program manifestacije održan na Igmanu, ali pod sloganom "Ostani kući i posvjedoči." Između ostalih događaja manifestacije, 06.08.2020. godine u Ratnoj džamiji na Igmanu održan je mevlud i zikr, 07.08.2020. godine odata je počast na šehitlucima i spomen obilježjima na Igmanu (Grkarica, Proskok, Veliko polje, Mrazište, Brezovača). Održan je čas historije na Proskoku, te doček ratnih zastava na Platou/musalli Ratne džamije Igman, uz obraćanje predstavnika OO manifestacije, a poslije džuma namaza u istoj džamiji proučena je Dova za domovinu. Maksimalan broj prisutnih na centralnoj manifestaciji bio je 100 osoba, zbog epidemioloških mjera koje su na snazi zog pandemije Covid-19, uz to da su građani imali mogućnost da virtuelno posjeti Igman.

Inače Manifestacija ima tri segmenta – prvi je odavanje vojnih počasti, drugi kulturno-umjetnički program, a treći je vjerski program. Također je položeno cvijeće na mjestima stradanja građana Sarajeva i na Kovačima.



## Obilježavanje značajnih datuma

### Obilježen Dan policije SJB Trnovo

U organizaciji U.B. Patriotska liga, 18.09.2020. godine obilježena je 29. godišnjica mobilizacije aktivnog i rezervnog sastava policije SJB Trnovo, kao sjećanje na šehide i poginule policajce, one umrle nakon rata i odata počast herojima. Tim povodom proučeni su Jasini u džamijama prije džume namaza, a nakon toga u 14:00 sati na centralnom spomen obilježju kod zgrade Općine proučen je Jasin, odata počast i položeno cvijeće. Čas historije održao je Edhem Godinjak, načelnik tadašnje SJB Trnovo, a skupu se obratio i načelnik Općine Ibro Berilo. Potom su uručene plakete zaslужnim pojedincima, za izuzetan doprinos u očuvanju tekovina Patriotskog fronta BiH. Plakete su dodjeljene Esadu Veliću, Emini Mehmedagić, Omeru Vatriću i Ibri Berilu. Naglašena je uloga aktivnog i rezervnog sastava policije SJB Trnovo u odbrani prostora Trnova, kao i BiH, 285 njenih pripadnika cijelo vrijeme je izvršavalo borbena dejstva i učestvovalo u akcijama, ne samo na području Općine Trnovo, nego i širom BiH. Gotovo svi su ranjeni tokom rata, neki i više puta, a poginulo je 26 pripadnika na borbenim zadacima. Odlikovano je 15 pripadnika, a SJB Trnovo je dobitnik najvećeg kolektivnog priznanja MUP-a RBiH Ratne zastave, pored još samo dvije jedinice u BiH. Odata je počast policajcima koji su dali svoje živote: Dedić Mirsadu, Knežević Dragoljubu, Bjelica Ibri, Ploču Edibu, Bunar Zahidu, Ćosić Sakibu, Drinjaković Senadu, Hamzić Abidu, Krupalija Zulfi, Sačić Dini, Leka Fikretu, Zagorac Suad, Zagorac Edibu, Malkić Hajri, Šehović Uzeiru, Hodžić Rizi, Terzo Nermelu, Spahija Kasimu, Velić Munibu, Mehanić Ismetu, Zulić Sadi, Mehanić Kemi, Leka Ibri, Mizdrak Zajki, Mehanić Aliji, Mulaosmanović Hamzi. Odali su počast i položili cvijeće, delegacije: Federalnog ministarstva za pitanja boraca, Općine Trnovo, Općine Novi Grad Sarajevo, Udruženja JOB-a KS, 1.Bošnjačke brigade, Udruženja "Zlatni Ilijan" i "Zlatna policijska značka", Boračkih udruženja Općine Trnovo, općinske organizacije SDA Trnovo.



Iskazana je duboka zahvalnost i sjećanje na sve šehide, poginule i umrle policajce Trnova, kao i ostalim borcima Armije i MUP-a RBiH, koji su branili Trnovo i BiH.



### Spomen-obilježje herojima Zaimu Imamoviću i Kemi Mehaniću

Uz prigodno obraćanje, na Dujmovskim brdima, 09.10.2020. godine otvoreno je spomen-obilježje posvećeno herojima odbrane BiH, brigadiru Zaimu Imamoviću dobitniku najvećeg ratnog priznanja Zlatni Ilijan i Kemi Mehaniću dobitniku najvećih ratnih priznanja Zlatni Ilijan i Policijska medalja za hrabrost. Spomenik su otkrili sinovi heroja Ernest Imamović i Kenan Mehanić. Obilježena je godišnjica pogibje Zaima Imamovića, koji je poginuo 9. oktobra 1995. godine na koti Čelina. Kemo Mehanić je poginuo 16. juna 1992. godine na Šestaljevu. Počast herojima odale su i položile cvijeće mnogobrojne delegacije, među njima i delegacija Općine Trnovo, kao i delegacija Koordinacije boračkih udruženja Općine Trnovo.



## Obilježavanje značajnih datuma

### Obilježeni "Dani otpora Kijeva"

Dani otpora Kijeva su obilježeni, 16.10.2020. godine na mjesnom spomen-obilježju, u organizaciji Udruženja ratnih vojnih invalida Općine Trnovo. Proučen je Jasen u lokalnoj džamiji, potom na šehidskom mezarju, gdje je odata i počast polaganjem cvijeća za šehide Kijeva:

Adil Belko, Atif Belko, Jasmin Belko, Muharem Belko, Munib Belko, Belko Salem, Bajro Bičo, Hasib Bunar, Rasim Bunar, Zahid Bunar, Zijad Bunar, Osman Bunar, Almir Bunar, Jasmin Čengić, Sabit Ćosić, Sakib Ćosić, Ibro Demir, Jasmin Demir, Zahid Demir, Ramiz Jašar, Asif Karić, Bajro Karić, Kasim Kolar, Smajo Kolar, Abid Kolar, Zaim Kolar, Ređad Kolar, Muharem Kolar, Bajro Lingo, Bajro Malkić, Jusuf Malkić, Hajro Malkić, Abdulrahman Novalić, Smajo Omerbegović, Vejsil Omerbegović, Mujo Prasko, Ismet Prasko, Jusuf Šegalo, Junuz Šukur, Asif Šukurević, Izet Zolj, Zikret Zolj, Kasem Zolota, Mirzet Zulić i Sado Zulić.

Cvijeće su položili predstavnici: Općine Trnovo, Koordinacije boračkih udruženja Općine Trnovo, Prve bošnjačke brigade i općinske organizacije SDA Trnovo. Prisutnima se kratko obratio Redžo Kolar. Iskazana je zahvalnost za sve Kijevljane koji su kao pripadnici Armije i MUP-a RBiH, branili Kijev i druge prostore BiH. Poručeno je da se treba sjećati i pamtitи.



### Dan masakra na pijaci Markale i Dan sjećanja na sve ubijene i ranjene građane Sarajeva

Zajedničkom komemorativnom sjednicom Skupštine KS, Gradskog vijeća Sarajeva i Općinskih vijeća sa područja KS, u Narodnom pozorištu Sarajevo obilježen je Dan sjećanja na sve stradale građane Sarajeva u periodu opsade 1992-1995. godine i 27. godišnjica masakra građana na pijaci Markale, kada su poginula 68 i ranjena 142 naša sugrađana. U uvodnom dijelu, prisutnima se obratio predsjedavajući Skupštine KS Elvedin Okerić, nakon toga i akademik Mirko Pejanović.

Organizatori komemoracije su bili Skupština Kantona Sarajevo, Gradsko vijeće i općinska vijeća sa područja KS.

Nakon sjednice, predstavnici državnih, federalnih, gradskih, te općinskih vlasti sa područja KS, porodice i prijatelji položili su cvijeće na spomen obilježje i odali počast ubijenim u masakru na pijaci Markale.

U ime Općine Trnovo počast su odali i položili cvijeće na spomen obilježju, predsjedavajuća Općinskog vijeća Amina Dedić i sekretar Općine Trnovo Haris Pindžo. Najveći masakr građana Sarajeva u periodu agresije odabran je kao simbol obilježavanja Dana sjećanja na sve nevine građane Sarajeva tokom 1.425 dana opsade. Petog februara se sjećamo 11.000 ubijenih građana Sarajeva, od čega je 1.601 dijete.



## Obilježavanje značajnih datuma

### Godišnjica zločina u Godinjskim Barama



U organizaciji Organizacionog odbora za obilježavanje 11. jula 1995. godine, u Godinjskim Barama-Trnovo je obilježena 25. godišnjica zvјerskog ubistva šest srebreničkih Bošnjaka. To je mjesto jednog od najstravičnijih zločina kojeg su ubice snimile. Zloglasna srpska paravojna jedinica Škorpioni pucnjima u leđa, brutalno je 1995. godine likvidirala šest mladića iz Srebrenice.

Na snimcima, koji će kasnije obići svijet, zabilježeno je strijeljanje Safeta Fejzića (17), Azmira Alispahića(16), Sidika Salkića(36), Smaila Ibrahimovića(35), Dine Salihovića(18) i Juse Delića(25). Posmrtni ostaci žrtava pronađeni su 1998. godine, a tijela identificirana i pokopana u Memorijalni centar Potočari.

Proučeno je ašare i odata počast nevino stradalim Srebreničanima učenjem Fatihe, a na mjesto stradanja položeno je cvijeće.

Obilježavanju su prisustvovali članovi porodica, rodbina i prijatelji žrtava, predstavnici Udruženja Srebrenica, Srebreničani koji su preživjeli strašna dešavanja, predstavnici Boračkih udruženja Općine Trnovo, predstavnici Općine Trnovo, kao i mještani okolnih naselja. Zbog aktuelne situacije sa epidemijom Covid-19 obilježavanju je prisustvovao ograničen broj učesnika.



### Obilježena jedna od najznačajnijih bitaka u Trnovu

Na centralnom spomen obilježju u Trnovu, u organizaciji Udruženja Organizacija porodica šehida i poginulih boraca Općine Trnovo, obilježena je 28. godišnjica "Oslobađanja Trnova". Ratne 1992. godine Trnovo je oslobođeno od agresora, a ovom manifestacijom odala se počast svima onima koji su dali doprinos u odbrani i oslobođanju Trnova. Povodom ovog datuma posebno se čuva sjećanje na šehide: Bratić Merim, Terzo Nermin, Pločo Nasuf, Krupalija Emin, Imamović Edhem, Hodžić Rizo, Pločo Aljo, Kolar Smajo, Smječanin Osman, Kadić Nusret, Gežo Irfan, Bajraktarević Mustafa, Krilašević Haso, Mizdrak Ekrem, Lindov Fehim, Hodžić Edin, Čusto Zaim i Rogoј Nezir. Cvijeće su položili i odali počast svim pripadnicima Prve Bošnjačke brigade i pripadnicima MUP-a: predstavnici Općine Trnovo, predstavnici Općine Ilijadža, predstavnici SDA Trnovo, predstavnici Boračkih udruženja Općine Trnovo, predstavnici 4. VMB Ilijadža i predstavnici SDA Ilijadža. Obilježavanju su prisustvovali roditelji, supruge, djeca i rodbina poginulih, pripadnici boračke populacije, kao i određen broj građana, pošto je zbog aktuelne epidemiološke situacije ograničen broj prisutnih. Prisutnima se obratila predsjednica Udruženja porodica šehida i poginulih boraca, gospođa Sifa Dreca, a historijski čas je održao gospodin Edhem Godinjak. Poručeno je između ostalog, da se ne smiju zaboraviti oni koji su branili Trnovo, jer su njihova hrabrost i njihova žrtva obaveza za trajno sjećanje.



### Uručena Uvjerenja o mandatima za Općinsko vijeće

Nakon potvrđivanja rezultata Lokalnih izbora 2020. godine i preuzimanja Uvjerenja o mandatima za načelnika i novoizabrane vijećnike u Općinskom vijeću Trnovo, od Centralne izborne komisije BiH, obavljeno je uručivanje Uvjerenja novoizabranim vijećnicima.

Ibro Berilo je dobio najveći broj glasova birača i osvojio je novi mandat načelnika za period 2020-2024. godine.

U Općinskom vijeću participiraju - SDA sa 10 mandata, SDP sa 1 mandatom, Narod i pravda sa 1 mandatom, 1 nezavisni kandidat, DF sa 1 mandatom, nacionalne manjine/DF-građanski savez sa 1 mandatom. Općinsko vijeće čine –Dedić Amina, Milišić Adela, Mulaosmanović Ismet, Hromo Zijo, Godinjak Ismet, Ramić Suljo, Žilić Mediha, Bunar Amina, Pindžo Mehmedalija, Čerkez Belma, Bandić Hikmet, Krupalija Almedina, Kereš Asaf, Torlak Munib i Kenjić Branka. Općinskom načelniku i novim vijećnicima Općinskog vijeća u mandatu 2020-2024. godine želimo puno sreće i uspjeha u budućem radu.

### Predstavljamo vijećnike u Općinskom vijeću Trnovo



### 2020 - 2024



Amina Dedić



Adela Ahmetspahić



Ismet  
Mulaosmanović



Zijo Hromo



Ismet Godinjak



Suljo Ramić



Mediha Žilić



Amina Bunar



Mehmedalija Pindžo



Belma Čerkez



Asaf Kereš



Hikmet Bandić



Almedina Krupalija



Branka Kenjić



Munib Torlak

### Održana Konstituirajuća sjednica Općinskog vijeća Trnovo

Konstituirajuća sjednica Općinskog vijeća Trnovo, održana je u sali Općine, 29.12.2020. godine. Konstituisano je Općinsko vijeće Trnovo, uz davanje i potpisivanje svečanih izjava o prihvaćanju mandata za period 2020-2024. godine. Na sjednici je obavljen izbor komisije za izbor i imenovanja, kao i izbor predsjedavajuće/g i zamjenika predsjedavajuće/g Općinskog vijeća. Amina Dedić (SDA) je imenovana za predsjedavajuću Općinskog vijeća i Branka Kenjić (nacionalne manjine-DF/građanski savez) za dopredsjedavajuću. Na dnevnom redu, koji je jednoglasno usvojen, našle su se, i usvojene - Odluka o izmjenama i dopunama budžeta Općine Trnovo za 2020. godinu, Budžet Općine Trnovo za 2021. godinu, te Odluka o izvršavanju budžeta Općine Trnovo za 2021. godinu. Sjednici je prisustvovalo 15 novoizabranih vijećnika kao i Općinski načelnik Ibro Berilo koji je dobio povjerenje građana za novi mandat. Načelnik je čestitao novoizabranom sazivu Općinskog vijeća, te zaželio uspjeh u budućem radu i međusobnoj saradnji.



### Izvještaj o realizaciji programa rada općinskog vijeća Trnovo za 2020. godinu

U Izvještajnom periodu, Općinsko vijeće Trnovo, održalo je 6 redovnih sjednica. Svečana sjednica Općinskog vijeća nije održana zbog pojave pandemije korona virusa.

Dnevni red redovnih sjednica sadržavao je tačke planirane Programom, ali također su razmatrane pojedine tačke za čijim razmatranjem i donošenjem odgovarajućih akata po predmetnim tačkama je naknadno ukazana potreba, a predlagač istih u najvećoj mjeri bio je Općinski načelnik.

Od planiranih 56 Tačaka Programa, razmatrana je 31 tačka ili 55% predviđenih akata. Uglavnom nisu razmatrane tačke koje se odnose na prostorno-plansku dokumentaciju, a koje su delegirane i predloženim Programom rada Općinskog vijeća Trnovo za 2021. godinu. Usvojen je dio odluka i drugih akata, po prijedlogu Općinskog načelnika ili radnih tijela, a koje se odnose na ostvarivanje prava i obaveza Općine predviđenih propisima o lokalnoj samoupravi, kao i prenesenim poslovima od strane kantonalnih organa uprave, a s ciljem stvaranja povoljnijih uslova za život na području Općine.

Kroz prikazane aktivnosti na realizaciji Programa rada i izvršenju poslovničkih i zakonskih obaveza različitih subjekata u Općini, vidljivo je da su neki od navedenih

subjekata više angažovani od drugih. To je, uglavnom, posljedica propisanih nadležnosti svakog od konkretnih subjekata. Istočemo, da nije bilo problema kod realizacije zadataka Komisija, jer su članovi Komisija u dovoljnom broju, prisustvovali sjednicama, na kojima su odlučivali o stvarima iz propisanih nadležnosti (priprema prijedloga akata, donošenje akata iz propisane nadležnosti) što je uveliko olakšavalo rad pratećim službama.

Najveći problem u realizaciji Programa predstavljalo je neblagovremeno dostavljanje materijala za sjednice Općinskog vijeća od strane subjekata nad kojima Općina nema direktnu nadležnost kao i akata čija je priprema, Zakonom data u nadležnost pravnim subjektima izvan Općine Trnovo. Posebno je potrebno istaći dobru saradnju i odgovornost koja je pokazana od strane Općinskog vijeća kao predstavničkog organa i donosioca akata i Općinskog načelnika kao nosioca izvršne vlasti i predlagачa akata prema općinskom vijeću, jer niti jedan akt predložen dnevnim redom sjednica nije odbijen od strane Općinskog vijeća. Također, potrebno je istaći, da je Općinsko vijeće, usprkos posljedicama pandemije Covid 19, uspijevalo da održava sjednice i time u najvećoj mjeri ispunjava svoje zakonske i statutarne obaveze.

# 10 razloga zašto posjetiti okolinu Trnova

Autor/Author: Semra Hodžić

VRHOVI SA KOJIH POGLED  
PUCA NA MITSKA PLANINSKA  
PROSTRANSTVA, BISTRE VODE,  
ŽIVOPISNI PAŠNJACI, ČIST ZRAK I  
NETAKNUTA PRIRODA, SAMO SU  
NEKI OD MNOGOBROJNIH RAZLOGA  
ZA UŽIVANJE U LJEPOTAMA  
TRNOVAČKE REGIJE.

www.furaj.ba  
+387 (0)61/247-013  
+ 387 (0)33/208-818  
Kralja Tvrtka 9  
71 000 Sarajevo  
Bosna i Hercegovine

### 1. PLANINARSKE TURE MITSKIM PREDJELIMA

Vrhovi Bjelašnice, Igmana, Treskavice i Visočice neodoljivo privlače planinare. Kako i ne bi, kada se sa nekoliko atraktivnih vrhova vide nestvarni predjeli koji oduzimaju dah. Planinari mogu

birati između nekoliko tura za pješačiti, a na svakoj od njih naići će na jedinstvene prirodne atrakcije: vodopade, vrela, pećine ili fantastične vidikovce. Predah mogu potražiti u nekom od brojnih planinskih domova gdje se služi domaća hrana.



### 2. BICIKLOM ZA ISKONSKI DOŽIVLJAJ PLANINE

Za ljubitelje brdskog bicikлизma Bjelašnica je neizostavna tačka jer na njoj osjete iskonski doživljaj planine.

Staze su uglavnom asfaltirane, s rijetkim dionicama makadamskog puta.

Kojom god stazom da krenete, da li preko Dejčića prema Trnovu, ili spust do Šabića, bilo da se odluče krenuti prema kanjonu Rakitnice ili dolinom Tušilskog potoka do Sinanovića, ili čak do Visočice prema Neretvi, iskustvo vožnje biciklom ovim predjelima pamtit će cijeli život.



### 3. BRANJE LJEKOVITOG BILJA, BOBIČASTOG VOĆA I GLJIVA

Od proljeća do jeseni nepregledni pašnjaci u trnovačkoj regiji čudesno ožive. Na njima možete naći po jedan cvijet ili list za svaku boljku.

Izdvojite jedan dan za izlet i šetnju nekom od lokalnih planina, naberite ljekovitih trava ili bobičastog voća, pa od njih spremite čajeva za zime ili sokova, džemova, pekmeza itd.

Područje je bogato i gljivama, a poseban gušt pričinjava prošetati i ubrati sebi ručak.



### 4. JEZERA NA TRESKAVICI

Na 1.500 metara nadmorske visine nalaze se „gorske oči“ planine Treskavice, njen najljepši ukras, prekrasna glacijalna jezera koja su tu još od ledenog doba. Jezera su prava prirodna rijetkost sa specifičnom florom i faunom. Treskavica inače ima vrela koliko dana u godini, a jezera čak deset. Njihove kristalno čiste vode i nedirnutu okolinu dugo ćete pamtitи.



### 5. PRIRODNI FENOMEN „KAZANI“

Najpoznatije trnovsko izletište nalazi se u blizini mjesta Turovi gdje rijeka Željeznica, nakon nekoliko stotina metara mirnog toka, tiho ulazi u uski kanjon koji je sama izdubila. Uz ovaj jedinstveni prirodni fenomen nalazi se uređeno izletište, na mjestu gdje je rijeka napravila krečnjačku gredu – kazan, kroz koji voda pjeni, ključa baš kao u nekom velikom kazanu na vatri i zbog ove neobične pojave ljudi su ovo mjesto nazvali „Kazani“. Ljeti ćete na ovom izletištu zateći i kupaće.



### 6. TRGOVI HISTORIJE

Kao nijemi svjedoci da se život srednjem vijeku danas nekoliko nekropola stećaka: u Šabićima, Umoljanima, nacionalni spomenici Bosne i objektivima fotoaparata, među sa njih promatraju kišu perzeida, vide. U gustoj borovoj šumi na je i jedan stari tenk iz rata. O spomenici N.O.B.-a, stara žandarmerijska stanica u Trnovu



nekada ovdje odvijao i u podsjećaju kameni spavači na Prečanima, Ledićima, Delijašu... Zaštićene su kao Hercegovine. Omiljene su kojima su najposebnije one koji koji se iz ovih krajeva najljepše igmanskom Proskoku zaostao historiji ovog kraja govore još i austrougarska kasarna i itd.

### 7. KANJON RAKITNICE

Ukoliko ste avanturističkog duha, jedan od najdubljih klanaca Evrope i mjesto gdje caruje netaknuta priroda za vas će biti pravi izbor. Jedna od najvećih pritoka Neretve, rijeka Rakitnica stvorila je 26 km dug, čudesno privlačan i teško pristupačan kanjon koji razdvaja planine Bjelašnicu i Visočicu, a spaja Bosnu i Hercegovinu.

Nesvakidašnja ljepota, čiste vode i veličanstveni vodopadi uvjerit će vas kako je ovaj kanjon pravo čudo divlje prirode i jedna od najznačajnijih prirodnih znamenitosti BiH.



### 8. UMOLJANI, SENO IZ LEGENDI

Bjelašnička sela su zaista posebna, naročito Umoljani smješteni na 1.275 metara nadmorske visine. Već po samom ulasku u selo imate šta vidjeti: nekropolu stećaka, stare vodenice, džamiju sa limenim krovom koja je zaštićena kao nacionalni spomenik BiH. Dok se penjete ka Studenom potoku koji je uz selo vezan zanimljivom legendom o aždaji, naići ćete na katune – autentične pastirske kolibe u kojima i danas borave mještani, a u kojima možete kupiti domaće proizvode. Rado će vam ispričati i legendu, te pokazati stijenu u kojoj se aždaja skamenila.



### 9. NOĆ U HOTELU S MILION ZVJEZDICA

Zamislite kako kroz prozor šatorskog okna na nebu vidite svaku zvjezdicu, a ujutro se budite uz cvrkut ptica i miris svježe rose s planinskih trava i cvijeća. Nema hotela na svijetu s takvom ponudom, koje krijeći dušu i odmara kao mir dok kampujete na nekom od mnogobrojnih brežuljaka i livada na Bjelašnici na kojima se može razapeti šator. Najomiljenije mjesto za kampovanje je područje Bare-Bijela, izuzetno pogodno i za roštiljadu.



### 10. UZBUĐENJE ZA SVE GENERACIJE

Za sve ljubitelje adrenalina Bjelašnica je pravi raj. Izuzetno je pogodna za paraglajding, iskustvo koje će vam ponuditi da istinski doživite duh planine. Potražite ovu atrakciju u Babinom Dolu! I stariji i mlađi mogu se okušati ziplineom u Javorovom dolu ili u selu Lukavac. A Bjelašnicom se možete još provozati i quadovima. Doživljaj Bjelašnice i Igmana na jedan savim drugačiji način omogućava panoramsko razgledanje žičarom. Na Bjelašnici svaka druga korpa ima i držače za bicikle, tako da je i za ljubitelji bicikлизma osiguran prevoz do vrha olimpijske ljepotice.

## SNIJEŽNA IDILA

### Najljepša zimska razglednica

# Trnovo

SNJEŽNI PRIZORI KOJE MOŽETE VIDJETI U PLANINSKIM PROSTRANSTVIMA KOJE OKRUŽUJU TRNOVO SU KAO SA NAJLJEPŠE ZIMSKE RAZGLEDNICE. ŠARMANTNA SELA, IDILIČNE PLANINSKE KOLIBE, SNIJEGOM UŠUŠKANI KAMENI SPAVAČI SAMO SU NEKI OD PRIZORA KOJI ĆE VAS OČARATI UKOLIKO SE ZAPUTITE PREMA OLIMPIJSKIM PLANINAMA NADOMAK SARAJEVA.

Autorica: Semra Hodžić

#### AUTENTIČAN DOŽIVLJAJ PLANINSKOG ŽIVOTA

Iako ćete pomisliti da su sela na Bjelašnici zametena snijegom i utonula u zimski san, samo jedna posjeta će vas razuvjeriti. Ceste se redovno održavaju i prohodne su tokom cijele zime, a posjete pitoresknim selima vratit će vas u neko prošlo doba. Kolibe u kojima možete osjetiti autentičnost planinskog života i uz topli napitak uživati u zimskoj idili dok vatrica u kaminu možete posjetiti na Bijelim Vodama, u Umoljanima, Sinanovićima, Ledićima itd. Kod mještana u selima, u uređenim privatnim smještajima možete potražiti i konak, za istinski odmor i doživljaj zimske čarolije. Jutrima će vas buditi svjetlost planine, i zov u vama da odmah poslige prve kafe i doručka kod mještana izadlete u dvorišta i uživate u snježnim radostima. Vaši mališani se tu mogu bezbrižno sankati i praviti Snješku, dok vi pijete čaj i uživate u tišini i ljepoti prirode! Obavezno prošetajte kroz sela, upoznajte se sa njihovim dragocjenostima poput

stećaka, vodenica u Umoljanima, kupite domaćih proizvoda – od jaja i sira, pa do priglavki i pulovera, svratite na toplu čorbu i tako zaokružite idealan dan na planini.

#### SKIJANJE NA BJELAŠNICI

Ukoliko želite skijati tamo gdje su se u alpskom skijanju takmičile same legende skijaškog sporta, onda ne želite propustiti spust niz

bjelašničke staze. Nije važno da li ste vrsan ili manje spretan skijaš, bjelašničke staze su pogodne i za početnike, porodice s djecom, i one koji tek žele naučiti skijati. Poseban je doživljaj noću, kada reflektori obasjavaju staze. Hladan planinski zrak će vas dodatno umoriti, pa ćete spavati „kao bebe“ u nekom od luksuznih hotela na







Babinom Dolu, ili u privatnim smještajima u okolini opremljenim besplatnim wi-re lessom, televizijom i drugim pogodnostima.

### SANKANJE NA IGMANU

Najveća zimska radost svih mališana je sankanje, a Veliko Polje na Igmanu cijele zime odzvanja grajom i smijehom stotine djece koje sa porodicama okupiraju ovaj olimpijski dragulj. Igman je vazdušna banja, i stoga je idealan izbor za bijeg od gradske nečistoće i smoga, ali i zbog toga što je toliko prostran da na njemu ima mjesta za sve. Naročito je pogodan za roditelje koji njegovim stazama mogu prošetati i mališane u kolicima. Osim na Velikom, sankati se može i na Malom polju, kao i skijati. Posebna atrakcija na Malom polju je i nekadašnja olimpijska skakaonica.

### LEDENO CARSTVO

Ako pitate planinare, mnogi će vam reći kako najradije planine pohode zimi jer se tada upoznaju sa njenom srži, istinskom snagom i ljepotom. I vas će sigurno ostaviti bez teksta prizor zaleđenog Studenog potoka i legenda o Zmaju koju ćete čuti iz ovog bjelašničkog polja do kojeg možete doći od Umoljana preko Gradine. Neprocjenjiv mir naći ćete u parku prirode Husremovac, nadomak sela Dejcici. Vodopad u Ledićima, Husrev-begova i vrelo Senabot u zimskom ruhu nećete moći prestati gledati. Iksusnim planinarima

### ADRENALINSKI DOŽIVLJAJ

Nema dovoljna dana vikenda ili odmora da se stigne vidjeti i doživjeti sve što ova okolina nudi. No, ako baš želite dugo pamtitи svoj boravak u okolini Trnova, onda morate doživjeti nalet adrenalina. Vožnja quadovima i zipline na Bjelašnici i Javorovom Dolu je jedinstven je način upoznavanja sa planinom, i odlična ideja ukoliko se želite zabaviti.

izazov je pohod na Velika jezera na na Treskavici, čije caklene površine u kojima se ogledaju zaleđeni planinski vrhovi vrijede svakog napora kojeg prođu. Kameni spavači ušuškani u snijegu O bjelašničkoj prošlosti najljepše priče kazuju stećci rasuti po gotovo svim njenim obroncima. Ušuškani u sniježni pokrivač činit će vam se kao da istinski spavaju zimski san. No, tada oni zapravo posebnu priču kazuju... Potražite nekropole u selima Šabići, Umoljani i Ledići, zastanite na tren kraj njih i čujte priču o životu na planini u srednjem vijeku!

### MIRIS TOPLE PITE

#### IUŠTIPAKA

Zimi se jedu topli uštipci sa sirom i suhim mesom, tradicionalne domaće pite i čorbe, da daju snage za boravak na hladnom zraku, da okrijepe i poprave raspoloženje. Miris ovih omiljenih jela namamit će vas u neke od mnogobrojnih ugostiteljskih objekata na planini koji služe samo domaću hranu, gotovo cijelokupno proizvedenu na nekoj od ovih planina i pravljenu s puno ljubavi i iskustva, u što ćete se i sami uvjeriti.



Adresa/Address: Trnovo 36, 71223 Trnovo

Telefon/Telephone: 033/586-700

opcina.trnovo@bih.net.ba



[www.furaj.ba](http://www.furaj.ba)


+387 (0)61/247-013

+ 387 (0)33/208-818

Kralja Tvrtka 9

71 000 Sarajevo

Bosna i Hercegovine



Treskavica - Veliko jezero  
Foto: Muamer Kolar



Vrh Bjelašnice  
Foto: Muamer Kolar